

光緒吉林通志

吉林通志卷一百

人物志二十九

國朝十四

胡里布

禧福

宜拜

圖爾特

席爾闡

吳魯哈

哈爾松阿

子桑圖

尼刊

猶子額黑諾

聶牛克

子吳庫

弟色牛克

色牛克子多博

辛泰

子挖紐

馬爾謨納

賈隆阿

子噶爾都

鄂貝

譚出

黑默里

倭

庫色納

傅哈納

猶子武達闡

甘珠翰多貝

石圖子西巴里

剛吉納猶子多果族人噶爾科

蘇爾修

弟阿爾修爾克子代松阿

猶子塔克圖

瓦爾克

瓦

納密達

從子薩穆哈

庫尼雅

子哈席里族弟傳道禮

拜庫達

尹布

子倭和席爾度

胡里布姓赫舍里氏世居葉赫父曰吳巴海

與姓瓜爾佳氏

名者同

太祖定葉赫以其人編設佐領吳巴海管其一旣卒胡里布
襲管其事天聰五年擢一等侍衛任護軍參領崇德

三年隨貝勒岳託征明毀牆子嶺邊口分四路進偕
魯克都擊敗敵兵獲馬百駝二十六年從圍錦州四
戰皆勝明經略洪承疇統兵來援隨諸王迎擊大破
之復擊卻敵自松山乘夜來犯者尋隨武英郡王阿
濟格駐兵杏山敵至自宵遠偕前鋒統領努山敗其
騎兵千餘沙河敵兵趨甯遠復擊敗之以功授副都
統八年偕努山等往界嶺口偵我入邊軍消息至斬
其守備一兵三百餘擒干總一把總三俄隨大軍征
明至山東偕希爾根以護軍敗敵兗州府順治二年
隨貝勒勒克德渾征湖廣至承天府數敗流賊多所

擒斬偕諸將圍之獲船八艘明年授雲騎尉世職七年九月三遇

恩詔晉世職輕車都尉十三年擢護軍統領康熙十二年聖祖念胡里布

太宗舊臣特加太子少師是年大軍討逆藩吳三桂

命以護軍統領充副將軍偕西安將軍赫葉由漢中進明年

春師進四川數戰有功十六年卒於軍

卹贈及承襲並未詳也

禧福姓瓜爾佳氏世居蘇完隸滿洲鑲白旗天聰時

事

太宗任啟心郎順治初授工部理事官尋調參領九年兩遇
恩詔授騎都尉世職十五年監造

上帝壇

奉先殿有勞兼一雲騎尉出駐大同有賊犯我土默特營同
副都統阿喇善等往援敗之賊又犯正紅旗營往援
復勝十一年從征鄂爾多斯破多爾濟及其弟西忒
本營斬多爾濟殲其眾十八年隨定西將軍愛星阿
征雲南至緬甸阿瓦城以功晉世職輕車都尉歷官
太僕寺卿以年老致仕卒于喀住襲累官至副都統
宜拜姓赫舍里氏世居葉赫隸滿洲正藍旗自幼從

征天聰間以功授雲騎尉世職崇德六年從圖明錦
州連敗松山杏山援兵晉世職騎都尉順治元年隨
睿親王多爾袞入山海關擊敗流賊李自成尋同都
統葉臣等招撫山西凡下府十一州三十二縣一百
七十一明年隨豫親王多鐸追流賊至潼關連戰皆
勝進破之延安府晉世職輕車都尉七年九年三遇
恩詔晉男爵累官都統兼議政大臣十五年卒

特贈太子太保謚勤直於墓道立碑子圖爾鋗初任豫親王
二等護衛從征山東戰沒穆質任貝勒府長史順治
十八年從征福建戰沒並

卽贈雲騎尉世職圖爾特宜拜次子也及弟庫爾闢自有傳
圖爾特順治二年以國史院編修隨貝勒博洛征浙
江同都統韓岱伊爾德追破明將方國安及其大學
士馬士英等四年師進福建定泉州府明年隨英親
王阿濟格平靜海土寇六年隨敬謹親王尼堪平臨
縣土寇尋隨英親王阿濟格征大同叛鎮姜瓖並有
功八年擢內翰林宏文院侍讀諭從征功兼遇

恩詔授騎都尉世職十年擢侍讀學士歷轉都察院啟心郎
擢副都御史康熙二年遷兵部右侍郎坐事黜尋起
工部右侍郎卒官

庫爾闡宜拜弟也天聰九年

太宗命巴奇蘭薩穆什喀等征黑龍江庫爾闡列三十六佐
領以從有功授雲騎尉世職崇德六年從圍明錦州
連敗松山杏山援兵斬級四十一獲軍資甚夥晉世
職騎都尉順治元年隨睿親王多爾袞入山海關破
流賊李自成追敗之望都兼一雲騎尉尋隨豫親王
多鐸追討自成至潼關連戰皆捷晉世職輕車都尉
三年授都察院參政考滿游晉世職一等六年同都
統譚泰討江西叛鎮金聲桓以病卒於軍

給銀七百兩治喪

賜祭葬妃故事

吳魯哈姓甯古塔氏世居薩爾湖父囊機自甯古塔率部人來歸

太祖授佐領隸滿洲鑲白旗天聰入年卒吳魯哈襲管其事崇德元年駐守牛莊偵明有捕魚船至率甲士百五十人乘小舟至遼河下遇三船擊之敗走獲三十二人并綬疋等物以獻

命以所獲賞同行將士編其人爲民三年更定部院官制以爲戶部副理事官八年隨貝勒阿巴泰征明連敗敵兵進攻萊陽縣城以雲梯克之授騎都尉世職卒子

郭禮襲順治七年九年三遇

恩詔晉世職二等輕車都尉卒子阿哈納襲康熙十三年從
征逆藩耿精忠於江西數戰有功尋隨安親王岳樂
攻長沙沒於陳

卹贈晉世職一等例不得詳以死事著之

哈爾松阿姓鄂卓氏世居輝發隸滿洲正藍旗初任
禮部參政天聰八年奉

命迎護察哈爾歸附之眾凡五千戶並出使土默特功授騎
都尉世職崇德三年更定官制改本部理事官明年
從征黑龍江有功五年隨肅親王豪格圍明錦州敗

松山敵兵明年復從圍錦州擊敗明經略洪承疇步
兵及督屯田穫倍兼一雲騎尉順治四年考滿晉世
職輕車都尉七年遇

恩詔晉世職二等尋擢

盛京禮部侍郎卒官子桑圖襲九年兩遇

恩詔晉世職一等兼一雲騎尉尋坐事削去康熙三年隨定
西將軍圖海勦湖廣流賊連敗之茅麓山下進攻山
寨力戰殲焉

卹贈兼一雲騎尉子沙克新襲

尼刊氏未詳

國初自瓜爾察卒眾來歸隸滿洲正白旗天聰三年從
攻明永平府先登克其城

賜號巴圖魯八年從征烏喇多所斬獲尋同席特庫至卓儀
城偵敵遇其兵百人擊敗之斬七級獲蒙古一人及
馬十六是年敘前功授騎都尉世職駐防阿里哈城
以搏虎被傷卒兄子額黑諾襲順治七年遇

恩詔晉世職二等輕車都尉十五年隨信郡王多尼征明桂
王至貴州明年凱旋浮江東下會鄭成功陷鎮江瓜
州進逼江甯因合大軍禦之連戰皆捷十八年隨征
東將軍濟席哈勦山東土寇賊目蔣振綱率眾千餘

據山嶺逆戰擊破之晉世職一等康熙初病卒

聶牛克世居甯古塔以地爲氏父僧格於

國初以三百戶來歸授世管佐領隸滿洲鑲黃旗聶牛
克初任前鋒參領從征明甯遠縱火攻城同護軍統
領阿爾津擊城中出拒者大敗之進取蘇班代敵兵
自杏山來援同承政宗室韓岱逆擊卻去天聰九年
隨貝勒多鐸圍錦州崇德三年隨貝勒岳託入明邊
並有功順治元年隨豫親王多鐸追討流賊李自成
至潼關同阿爾津率所部設伏邀擊敗眾敗之明年
至江南同碩代蘇爾德攻高淳縣敗其兵三千餘授

雲騎尉世職卒子吳庫襲順治十一年隨甯海大將軍伊爾德平浙江舟山有功明年隨定遠大將軍世子濟度征福建時鄭成功據廈門戰艦六百餘排列爲衛率水師攻之戰甚力幾近岸而殞

特旨超晉輕車都尉而轟牛克弟色牛克牛或紐以軍功任

佐領坐事罷順治元年起廢官從破流賊於潼關明
年戰湖廣大冶縣並有功師移江南有王六者率兵
犯金壇縣以所部擊敗之又敗他兵於茅山授雲騎
尉世職七年九年三遇

恩詔晉世職輕車都尉卒子多博襲康熙十三年逆藩耿精

忠破江西建昌據之隨定南將軍希爾根往討至撫州鍾家嶺僞都督易天錫卒步騎四萬來拒進戰中
礮殲

卹贈兼一雲騎尉

辛泰與姓覺爾察氏者同名姓傅察氏世居訥音隸滿洲鑲黃

旗天聰八年從征明大同攻小石城克之授雲騎尉
世職九年隨貝勒阿濟格征明攻克安肅縣晉世職
騎都尉崇德六年卒子挖紐襲挖紐初於崇德三年
隨貝勒岳託征明入邊擊敗敵兵至渾河爲橋濟師
敵兵來犯隨副都統內爾特擊卻之比出邊殷後復

敗追兵六年襲父世職順治元年隨睿親王多爾袞入山海關擊流賊李自成中礮殞

卹贈兼一雲騎尉同旗有馬爾謨納者姓那穆都魯氏世居

璉春天聰五年從征大凌河擊明監軍道張春揮前
鋒大纛直入敵陳我後軍爲敵兵所阻不能前乃揮
纛馳出旣出復入我軍隨進遂敗敵兵以功授騎都
尉世職卒子滿柱襲順治六年從征大同叛鎮姜瓖
有功兼一雲騎尉

賈隆阿姓西克特禮氏世居庫爾喀拉滿洲正黃旗
天聰入年以材能授世管佐領崇德二年從征明燕

京敗敵蘆溝橋四年從征黑龍江明年從圍明錦州
七年從征松阿里江並有功順治元年隨睿親王多
爾袞入山海關破流賊李自成追敗之望都授騎都
尉世職七年九年三遇

恩詔世職晉一等輕車都尉兼一雲騎尉十六年卒子噶爾
都襲康熙十四年從征陝西叛鎮王輔臣擊其子繩
正敗之十七年隨征西將軍穆占征逆藩吳三桂至
湖廣沿山嶺其將馬寶等率三萬餘眾來拒力戰沒
於陳

卹贈男爵世襲罔替子巴爾圖襲

鄂貝姓馬嘉氏世居綏芬隸滿洲正黃旗崇德三年以佐領隨貝勒岳託征明戰青山口與參領和爾根爲軍鋒並有斬馘至山東復擊敗敵兵五年隨睿親王多爾袞圍明錦州敗其松山援兵又同都統譚泰擊杏山兵敗之順治元年隨豫親王多鐸南征明年定江甯分兵攻崑山縣與副都統蘇法擊敗敵眾既而明將黃斐王起興毛大譽等犯常州府與都統馬喇希擊走之尋偕副都統甘都戰宜興縣圖賴戰府城下並捷手擒敵人刺圖賴者尋卒於軍十三年追授雲騎尉世職子翁古範襲同旗有禪出黑默里倭

忒渾禪出姓薩克達氏世居甯古塔初以軍校從征
烏喇多所俘獲既駕哈彥屯其長博木博果爾納眾
來戰力禦之身被九創卒完其屯以功授騎都尉世
職黑默里姓格濟勒氏亦居綏芬天聰八年以材授
雲騎尉世職明年同吳巴海荆古爾岱征阿庫爾尼
滿有功晉世職騎都尉順治七年九年三遇

恩詔游晉二等輕車都尉倭忒渾世居完顏以地爲氏父特
音珠率族歸

太祖任佐領從討四方以功授騎都尉世職卒長子多貝襲
天聰五年從征大凌河戰沒

卹贈兼一雲騎尉倭忒渾襲累官至都統兼議政大臣卒
賜祭葬如例謚純僖

庫色納姓西克忒禮氏世居卦爾察父和托巴顏
太祖時率五百戶來歸授雲騎尉世職隸滿洲正紅旗天聰
八年卒庫色納襲父職從征烏喇獲喀穆善巴顏子
及屯長格婁等四十餘人順治元年從入關明年駐
防西安府流賊何進來犯率兵擊敗之賊復結橋侵
我正紅旗營率兵往禦連戰皆勝毀其橋三年隨覺
善征山東土寇擊之齊河平陰等縣並有功尋回防
西安賊渠魏天明築壘黃勞山作亂率兵破之參領

甘某等以兵三千叛率入旗兵各百進擊斬馘甚眾
獲甘某誅之又敗賊眾綏德州進克葭州以功兼七
年九年三遇

恩詔淳晉世職二等輕車都尉卒

傅哈納姓格濟勒氏世居綏芬隸滿洲正紅旗天聰
九年以佐領隨巴奇蘭薩穆什喀征黑龍江有功授
騎都尉世職崇德三年任工部理事官順治元年改
熊岳城守尉七年遇

恩詔晉世職輕車都尉卒猶子傅爾護襲九年丙遇

恩詔晉世職一等坐事革已以

恩詔所得雲騎尉弟武達闡襲輕車都尉順治十四年隨定遠大將軍世子濟度征福建鄭成功倚巴圖魯鄂泰擊之福前所等處破其舟師其總兵官黃常等復引舟師來犯敗之敖斗進攻廈門力戰殞焉

卹晉世職二等

甘珠翰姓索綽羅氏世居烏喇隸滿洲鑲白旗天聰二年以副理事官從圍明錦州擊杏山松山步騎並敗之城中兵出戰隨兩翼合擊卻走仍敗其松山援兵崇德三年隨貝勒岳託從征明山東遇敵兵擊走之戰德州及安肅縣並捷六年從圍錦州松山騎兵

來奪我紅衣礮力擊之乃遁順治二年同李率泰吳巴海駐守江南蘇州府明將黃斐以兵萬餘突入城率外藩蒙古兵與戰五接皆勝槍傷一目授雲騎尉世職四年任理藩院理事官考滿晉世職騎都尉七年九年三遇

恩詔晉世職輕車都尉卒同旗包衣多貝姓索爾多氏世居吳喇博爾吉城天聰六年以佐領從征察哈爾旋入明邊敗敵崇德三年隨貝勒岳託征明擊其內監馮永盛兵敗之順治元年從入山海關破流賊李自成積功授騎都尉世職七年九年三遇

恩詔晉世職二等輕車都尉卒

石圖姓富察氏世居訥殷隸滿洲鑲白旗天聰九年以佐領從征虎爾哈多所俘獲順治元年從入山海關破流賊李自成授雲騎尉世職任工部副理事官考滿晉世職騎都尉七年九年三遇

恩詔晉世職二等輕車都尉十三年督造

乾清宮等宮殿成晉世職一等卒子二西巴里福申西巴里襲從征福建兩敗敵兵康熙十七年從征逆藩吳三桂至湖廣攻岳州戰沒

卹贈兼一雲騎尉

賜祭葬如故事福申累官至吏部侍郎

剛吉納姓西克特立氏世居瓜爾察之雅克善隸滿洲鑲紅旗天聰五年從征明大凌河擊監軍道張春兵執纛爲軍鋒先陷陳我軍從之春兵大敗授騎都尉世職卒子碩色襲碩色卒從弟挖布琦襲遇恩詔兼一雲騎尉卒兄多果襲九年兩遇

恩詔晉世職二等輕車都尉十五年從征明桂王於貴州明年凱旋至江南會鄭成功陷鎮江瓜州直犯江甯隨副都統噶褚哈屢以其眾獲船一以功晉世職一等康熙十七年從征福建戰石塘嶺陳沒

卹贈兼一雲騎尉噶爾糾剛吉納族人也崇德二年以佐領
同吳巴海席特庫追逃人葉雷出邊五十日至溫朵
及之斬葉雷俘獲甚夥在行間六閱月方回

太宗遣官迎宴授騎都尉世職順治七年遇

恩詔晉世職二等輕車都尉卒

蘇爾修姓那穆都魯氏世居綏芬隸滿洲正黃旗天

聰初卒眾來歸從征烏喇被創以功授騎都尉世職

九年卒弟阿爾修襲崇德三年隨睿親王多爾袞征
明至山東濟南府擊敗敵兵兼一雲騎尉明年從征

黑龍江戰沒

卹贈世職一等子阿庫理襲順治七年九年三遇

恩詔晉世職一等輕車都尉兼一雲騎尉而蘇爾修兄子曰

塔克圖崇德三年以軍校隨貝勒杜度征明至山東

攻濟南府先登克之

賜號巴圖魯授二等騎都尉世職同旗瓦爾克

克或作喀姓薩克

達氏世居虎爾哈天聰五年從征明大凌河力戰沒

於陳

卹贈雲騎尉世職子代松阿襲康熙十三年署護軍校隨前

鋒統領穆占征逆藩吳三桂師進自陝西轉戰槐樹

驛小梅嶺及南山等處攻克秦州十八年隨平南將

軍資塔征福建敗鄭成功將劉國軒兵八千餘於郭
塘二十年復隨資塔征逆孽吳世璠戰石門坎黃草
壠有功兼一雲騎尉

納岱達姓索綽羅氏世居烏喇隸滿洲鑲白旗天聰
八年從攻明雄縣先登克之授騎都尉世職尋從征
朝鮮絕海攻皮島後軍未至卽登岸搏戰沒於陳
卽贈兼一雲騎尉弟和鐸鐸或作託襲從征黑龍江陳沒和鐸兄
羅薩襲卒從弟薩穆哈襲順治七年九年三遇

恩詔晉世職一等輕車都尉十一年從征福建時袁陶據福
州尙書譚拜等率兵由水路往攻敵步騎來拒所乘

船僅十人卽鼓棹先進擊敗之明年隨靖南將軍珠
瑪喇征廣東與李定國兵戰新會縣有功兼一雲騎
尉尋卒子二曰圖克善曰哈積大圖克善襲累官正
藍旗滿洲副都統哈積大任佐領康熙三十五年隨
撫遠大將軍費揚古征噶爾丹有功授雲騎尉世職
有庫尼雅者納密達族弟也自有傳

庫尼雅初以戰功洩任前鋒參領崇德八年隨貝勒
阿巴泰攻明霸州克之順治六年隨鄭親王濟爾哈
朗征湖廣於江口破袁宗第又連敗便水河岸賊兵
宗第退據烏撒隨前鋒統領努山往攻賊三路迎戰

擊敗之奪門入立克其城尋同參領白爾赫圖敗賊
步騎三千餘十二年隨甯南大將軍陳泰於湖廣貴
州數戰有功積授騎都尉世職康熙三年流賊李來
亨擁眾據茅麓山隨定西將軍圖海往攻三戰三捷
既而殞於陳

給銀六百兩治喪

賜祭葬如故事贈兼一雲騎尉後又

特遣官爲修墓尤異數云子哈席里襲初任七品官康熙十
三年隨定南將軍希爾根等征逆藩耿精忠至江西
擊僞總兵唐培生等於勞莊敗之十七年隨鎮南將

軍莽依圖征逆藩吳三桂進自廣西敗僞將軍吳世
琮於新村詹仰等於陶屯十九年隨征南大將軍齊
塔征逆孽吳世璠連戰有功再兼一雲騎尉而庫尼
雅族弟傅達禮康熙十三年以七品官從征逆藩吳
三桂至江西吉安府僞總兵彭新進等以眾萬餘迎
戰大破之師進安福縣力戰殲焉

卹贈雲騎尉世職其與庫尼雅同旗並居烏喇日拜庫達姓
納蘭氏崇德元年從攻明容城縣先登克之授雲騎
尉世職順治七年九年三遇

恩詔晉世職輕車都尉十一年隨甯海大將軍伊爾德平浙

江舟山以功晉世職二等康熙元年卒

尹布姓甯古塔氏世居納殷隸滿洲鑲紅旗天聰八年以筆帖式隨巴奇蘭薩穆什喀征黑龍江及從追逃人葉雷並有功授雲騎尉世職崇德三年隨貝勒岳託攻明望都穴其城克之晉世職騎都尉尋復從征黑龍江多所俘獲進攻杜赫臣城戰沒子宜爾特赫襲順治元年隨睿親王多爾袞入山海關破流賊李自成晉世職二等尋隨貝勒勒克德渾赴湖廣勦流賊一隻虎六年從討大同叛鎮姜瓖並有功兼七年九年三遇

恩詔晉世職二等輕車都尉十二年隨清海大將軍伊爾德平浙江舟山晉世職一等卒子某襲倭和其次子也康熙十三年以西安府驍騎校署防禦參領從征逆藩吳三桂有功授雲騎尉世職其同姓甯古塔氏世居薩爾湖隸滿洲鑲白旗曰席爾度者父庫克德格於

國初率眾來歸授雲騎尉世職卒席爾度襲天聰三年從征明燕京滿桂等四總兵來援壁城下力戰有功晉世職騎都尉授前鋒參領尋從征義州錦州及遵化所至爲士卒先凡六被創崇德七年復征錦州以

病卒於軍

吉林通志卷一百一

人物志三十

國朝十五

額孟格

翁阿岱

和託諾

子阿爾遜
爾布

雅

蘇爾東阿

尤德赫

伊爾奈

隨蓀

子俄爾博

雅爾納

從孫齊雅塔
思塔布思塔

額

哈珠

子喇珠

艾博

子艾達漢

滿都禮

碩色吳巴世

甯格禮

布雅里

子福成額

額爾特

託敏

霸雅爾圖子碩色

納蓋

葉陳

顧吉納

弟伊勒穆

塔納喀

子朱爾堪

孟庫

子希福納

機穆庫

子馬爾圖
嘉泰

蓀

布噶

勞漢

雅母布立

子格爾泰
孫噶達渾

額孟格姓薩察氏世居璉春

國初率族人來歸

太祖旣編佐領令管其一隸滿洲鑲藍旗天聰元年

太宗御極擢列十六大臣順治元年任甯遠城守尉尋率甯

遠兵同副都統和託等征山東河南師至青州賊據
馬井洞我師不得前時已嚮夕遂舉火夜戰賊眾大
敗乘勝克四十餘洞復隨饒餘貝勒阿巴泰攻濟甯
率所部獨取一臺斬馘甚夥凱旋

世祖賜黃金彩幣貂皮等物授騎都尉世職七年九年三遇
恩詔晉世職二等輕車都尉十二年卒孫法福禮襲

翁阿岱與姓兆佳氏者同名姓傅察氏世居訥殷天命初來歸
隸滿洲鑲黃旗以軍校從征遼東馳斬敵騎擊我額
駙者進至甯遠既擊敵兵敗之我軍有阿爾泰者陷
敵陣復馳援以出獨身追斬奈曼蒙古奪我士卒弓

奔敵者六人擢前鋒參領天聰三年從征明至灤州
刈草敵兵來襲逆擊敗之獲馬四十五年從征明大
凌河追斬蒙古奔松山降敵者略地中後所破其一
臺崇德六年從圍明錦州多所斬獲松山兵犯我右
翼率所部擊卻之積功授騎都尉世職尋卒子傅達
理襲再遇

恩詔晉世職輕車都尉順治十一年從征廣東戰新會縣有
功晉世職二等

和託諾姓吳爾古禪氏世居木倫

太祖時率兄弟來歸隸滿洲鑲黃旗令略地阿胡禮尼滿多

所俘獲卽編其人戶俾爲佐領轄之天聰八年從征
明至大同攻沙城克之以功授騎都尉世職尋卒長
子哈爾遜襲次子阿爾遜順治十年以軍校從貝勒
屯齊征湖廣至常德府明桂王將劉文秀遣其左將
軍盧名臣興國侯馮雙禮等犯岳州武昌隨護軍統
領蘇克薩哈等擊敗之又敗其王都督兵十六年隨
安南將軍明安達禮自荊州援江甯破鄭成功將楊
文英等獲戰艦三康熙三年隨定西將軍圖海等征
湖廣茅麓山敗賊兵三千於長樂嶺又連擊賊首李
來亨子於茅麓山下及上王坪並捷來亨自率兵五

千分八路來犯復以步戰敗之凱旋授雲騎尉世職
累官甯古塔協領卒子阿爾遜襲仕至都察院左副
都御史有雅爾布者姓孟鄂羅氏虎爾哈人天命元
年諸將奉

命征虎爾哈雅爾布來降亦隸滿洲鑲黃旗遣說其別屯博
機理再返博機理降收戶口七百有奇天聰七年論
功亦任佐領云

蘇爾東阿姓傅察氏訥殷諸屯長之一其七屯議歸
葉赫蘇爾東阿不從與戰被創七屯之眾遂據佛多
和城歲癸巳請兵於

太祖往圍其城攻戰三閱月破之殲其眾並救出我札爾固
齊曰查齊巴者

太祖嘉之賜戶口盔甲鞍馬等物甚厚授佐領隸滿洲鑲黃
旗並給免罪

敕書歲戊申從征烏喇陳斬其巴圖魯等四十人賜金尋從
征葉赫斬級四十被

賚從征札庫達被九創復

賚人口大軍攻明撫順身先陷陳勝之進追毛郎之兵於溫
泉殲其眾五百有奇論功授騎都尉世職病卒

尤德赫姓格濟勒氏世居雅蘭我兵往征之獲其妻

子因來歸隸滿洲正白旗及征西林以爲鄉導俘獲甚眾有湯糾翁俄純者叛計誘斬之從大軍出略地凡取四屯尋奉

命往雅蘭招其兄弟不從既返而偕行四人爲其黨所追殺僅以身免乃率兵復往誅其黨孽餘眾以歸積功授世管佐領天命六年從征明瀋陽遼陽克之授二等輕車都尉世職尋卒初同隸滿洲正白旗者曰伊爾奈姓費莫氏世居長白山

國初以前鋒參領從征瓦爾喀有功授雲騎尉世職尋從征明山東敗敵濟南府攻克其城晉世職騎都尉

卒子薩希布襲尤德赫子姓則未詳也

隨蓀世居瓜爾察其姓未詳大抵氏以地矣

國初征瓜爾察先其曹來歸授雲騎尉世職崇德三年隨睿親王多爾袞征明至山東攻任邱縣偕宜爾鼐布庫挾陷城垣克之以功授世管佐領卒子俄爾博襲崇德六年從圍明錦州攻其關廂兵敗之又擊敗松山援兵順治元年從入山海關偕副都統星訥擊敗流賊李自成積功兼七年九年三遇

恩詔晉世職一等輕車都尉

雅爾納姓西林覺羅氏世居尼馬察

國初率族人來歸授佐領隸滿洲鑲白旗時明兵侵我
革革沙漢率所部逆擊敗之授輕車都尉世職天聰
八年從克遼東有功晉世職二等順治元年從入關
七年九年三遇

恩詔晉男爵十三年卒長子胡那津襲次子武那津任佐領
庫雅那者雅爾納從子也有子曰齊雅塔曰顧思塔
曰布思塔並殉疆場忠節炳一門焉齊雅塔從圍明
錦州戰松山沒於陳

賜入戶及布顧思塔康熙十三年以署參領隨鎮南將軍莽
依圖征逆藩吳三桂師至廣西擊賊黨馬雄祖澤清

等於桂嶺陳沒

卿贈雲騎尉布思塔康熙十三年亦以署參領隨都統赫業
征四川擊僞總兵施遵禮兵於朝天關敗賊萬七千
進戰蟠龍山沒於陳

郎贈雲騎尉

哈珠姓富察氏世居扎庫塔博爾屯

太祖時兄哲爾吉納來歸授佐領隸滿洲鑲白旗尋卒哈珠
繼管佐領事天聰八年以材勝任使授騎都尉世職
九年從征黑龍江有功晉世職二等崇德三年隨貝
勒岳託征明擊敗內監高起潛騎兵師還將出邊太

平寨兵來截又擊敗之五年同多積禮征兀扎喇部落俘獲甚眾其夏凱旋

太宗命禮臣於五里外設宴迎勞順治元年隨睿親王多爾袞入山海關破流賊李自成又追敗之望都尋隨都統葉臣征山西攻太原府四敗城中出戰之眾冬隨豫親王多鐸追流賊至潼關破其第二營又偕諸將偵賊蹤所在突遇賊眾迎擊敗之以功晉世職輕車都尉七年遇

恩詔晉世職一等兼一雲騎尉八年卒子喇珠襲十一年從征福建攻廈門鄭成功列戰艦六百餘艘於澄浦嶼

偕都統索渾破之獲其總督陳輝所乘船康熙三年隨定西將軍圖海等征湖廣戰茅麓山及長樂嶺並捷賊渠李來亨遣其子率兵四千列火器拒戰以步兵擊敗之茅麓山賊眾來援與諸將分擊敗去追至上王坪再擊來亨兵皆勝論功晉子爵累擢副都統十三年從征逆藩吳三桂至岳州卒於軍

艾搏姓尼馬察氏卽所居地也天命初來歸隸滿洲鎮紅旗性驍勇嘗以二十人襲取明十三站寨授佐領

賜號巴圖魯天聰元年從攻朝鮮義州率四十人掩入大軍

繼之遂克其城以功授騎都尉世職病卒子艾達漢
襲崇德元年從征朝鮮右臂中創不復能關弓以守
英額關門順治元年定鼎燕京移守阜城門七年九

年三遇

恩詔晉世職一等輕車都尉兼一雲騎尉康熙七年卒子阿
賴襲十三年從征逆藩吳三桂至江西連敗賊於吉
安府十九年隨征南大將軍賚塔征雲南戰黃草壘
及雲南城下並有功累晉男爵

滿都禮其氏未詳世居葉赫之東城方葉赫未平卽
效誠款

太祖遣往葉赫部說其酋衆凡十二次悉招其姻族來歸以
功授佐領隸滿洲鑲藍旗天命四年從征明撫順有
功六年從征遼東力戰被創敵兵犯我鑲紅旗營復
怒馬馳擊斬十三級授騎都尉世職擢參領先後
賜滿洲人十戶他人口千尋坐事奪世職仍任參領兼佐領
從征董鄂病沒於軍

碩色吳巴世姓納喇氏世居輝發

國初來歸隸滿洲正藍旗天命七年大兵征明取廣甯
獲察哈爾汗所使臣四命碩色吳巴世齊

敕偕四人往察哈爾部招其汗降察哈爾汗不從願反誘留

之碩色吳巴世以死拒囚之三載與守者通跳而免
饑寒顛踣裸體以歸

太祖大悅語羣臣曰碩色吳巴世來歸未久遂使察哈爾初
非素受我恩而謀於所事至裸體忍饑冒死而來良可嘉
尙其給人戶牲畜善養之尋奉

敕招巴克貝勒有昂阿貝勒者以兵三百邀於路他使臣惲
之輒返獨率所屬以進擊昂阿敗去卒至其地說巴
克降

太祖大喜以所御黃袍及帶三條馬一匹

賜焉授世管佐領卒子觀布襲

甯格禮世居甯古塔以地爲氏

國初偕兄弟來歸授佐領隸滿洲正藍旗時有圖勒慎者潛兵來犯倉卒不及上

聞遣達諸護率兵逆擊之大敗其眾和思哈立屯眾叛逃復遣達諸護追獲之而鄂爾託和奔烏喇和莫諾亦奔他部並追斬以還論功授騎都尉世職崇德八年隨副都統鄂羅塞臣征黑龍江陳獲十有八人又從征雅克薩城縱火先登克之晉世職二等卒同旗有尼哈理者同居甯古塔亦以敗圖勒慎兵並追獲逃亡功任佐領云

布雅里世居卦爾察卽以爲氏天命九年來歸隸滿洲鑲藍旗時

太祖方招降沙布圖不聽布雅里往說之沙布圖遂以五百人內附

太祖嘉其功授副佐領天聰九年署護軍參領隨沙爾虎達等征黑龍江多所俘獲授世管佐領崇德三年卒子福成額初任護軍校康熙三年隨靖西將軍穆理瑪等征湖廣流寇餘黨李來亨數敗賊眾十四年隨信郡王鄂札征叛逆察哈爾布爾尼戰於大魯勝之布爾尼合餘眾復戰又再敗以去凱旋授騎都尉世職

擢驍騎參領明年調護軍參領從征逆藩吳三桂師至湖廣擊僞總兵唐培生於牢莊敗之進攻永興僞將軍馬寶率兵三萬來援力戰卻之二十九年厄魯特噶爾丹作亂以護軍統領隨理藩院尙書阿爾尼往討之遇賊於烏爾會阿爾尼不俟大軍倉卒與戰福成額殞焉喪還

聖祖特遣內大臣侍衛等往奠

賜銀千一百兩

卹贈兼一雲騎尉

額爾特姓伊拉禮氏世居烏喇

國初來歸隸滿洲鑲藍旗天聰五年以軍校從征大凌河有功任副佐領嗣隨攻戰輒先登

太宗嘉其勇授雲騎尉世職順治七年九年三遇

恩詔晉世職輕車都尉十四年卒子達爾泰阿山達爾泰既襲世職康熙十四年從征叛鎮王輔臣以功游擢至副都統阿山有文學厯官翰林院掌院學士教習丁丑科庶吉士康熙三十九年任江南江西總督內擢

刑部尙書

托敏姓穆爾禪氏世居阿庫里

國初率百人來歸授雲騎尉世職隸滿洲鑲藍旗從征

阿庫里尼滿有功任佐領天聰九年隨吳巴海等征
瓦爾喀多所俘獲兼一雲騎尉是年又隨巴奇蘭薩
穆什喀征黑龍江以功晉世職騎都尉

霸雅爾圖姓民覺羅氏世居葉赫

國初來歸隸滿洲正黃旗以功任佐領天命六年從征
明遼東敵兵扼橋以拒進奪之授騎都尉世職尋從
攻甯遠沒於陳子阿賽襲坐事免次子碩色襲順治
元年從平江南師至淮安敵兵四萬拒戰隨副都統
希喇巴雅拉擊走之復偕阿藍察格爾圖敗敵眾萬
餘於鶯台山島六年從貝子吞齊征甘州蘭州叛回

敗其眾三萬又連敗黃羅山賊魏天明尋從征山西
叛鎮姜瓖降四縣進攻陽城克之積功晉世職一等
輕車都尉七年九年三遇

恩詔晉男爵

納蓋姓瓜爾佳氏世居蘇完隸滿洲正黃旗早從征
伐有戰功以佐領駐防千山適降我段備禦卒眾亡
去納蓋追及之斬千總二既聞敵兵犯葉克舒屯堡
卽往援斬級四十天命十年隨大兵取旅順口力戰
沒於陳

卽贈騎都尉世職子古喇哈襲順治七年九年三遇

恩詔晉世職一等輕車都尉兼一雲騎尉康熙二年追論納

蓋從征錦州松山功晉古喇哈男爵

葉陳姓舒穆祿氏世居朱社禮堡

國初來歸隸滿洲正白旗其妻

太祖文弟也遇之甚厚

賜馬三十四甲三十具裘三十襲及他服御等物又以其居處遠

賜斛勒地百頃令作樓以居號曰額駙從征哈達戰沒

卹贈輕車都尉世職弟葉錫亦以從征被創前沒子幼世職

暫停襲

特詔其家賦役悉予豁免使有以自贍焉嗣葉陳第四子沙

渾年長襲世職晉一等任一等侍衛兼佐領

顧吉納姓洪鄂氏世居尼馬察

太祖肇業初其叔瑚珠率三百戶來歸授世管佐領隸滿洲
鑲紅旗卒顧吉納繼其職天命四年從征葉赫率所
部力戰沒於陳弟伊勒穆繼之天聰六年從征明大
凌河卒五十人爲軍鋒遇明監軍道張春前隊策馬
直入其陣遂敗之授騎都尉世職八年擢護軍參領
從征明遇哨卒蒙古漢人各二來偵獨騎斬一人擒
其三以獻尋卒

塔納喀姓西克特立氏世居卦爾察之洪鄂初任佐
領隸滿洲鑲紅旗天命六年從征明戰遼河有功擢
參領奉

命往收卦爾察族屬挈三百人以歸天聰五年從征明大凌
河破監軍道張春兵面被創墮齒被

優賚七年從征明旅順口率所部先登中礮沒

卹贈騎都尉世職子朱爾堪襲從征黑龍江率甲士十人敗
敵前鋒多所俘獲順治元年復入山海關擊流賊有

功兼一雲騎尉七年九年三遇

恩詔晉世職一等輕車都尉

孟庫姓鄂濟氏世居烏喇

國初來歸隸滿洲鑲紅旗董夔之役獲綽什希塔布夔妻並使女二人及弟台吉西岱等天聰八年從征明攻大同左衛城偕褚庫先登克之

賜赫爾根蒙古人戶尋從攻懷來陳沒累官副都統雲騎尉世職子希福納襲任佐領隨靖南將軍珠瑪喇征廣東敗明將李定國兵於新會縣旋從征逆藩耿精忠師至江西連戰皆捷病卒於軍

卹貽兼一雲騎尉子西清襲

機穆庫姓尼馬察氏世居長白山東之呼野

太祖時來歸隸滿洲鑲紅旗從征瓦爾喀有功授世管佐領

天聰二年從攻明錦州被創卒子馬爾圖繼其職五年

再征明錦州請效命行間復父讐戰大凌河獲明

監軍道張春授騎都尉世職順治七年九年三遇

恩詔晉世職二等有蓀嘉泰者姓董鄂氏世居瓦爾喀與同

旗天命六年從攻明瀋陽陳沒

卹貽騎都尉世職子阿爾東阿襲他戰績未詳

布噶姓舒穆爾氏世居訥殷

國初來歸任佐領隸滿洲正藍旗拜常阿等四屯人叛率兵討平之獻所俘獲論功授二等輕車都尉世職

天命六年從

太祖取瀋陽先登戰沒于花山襲勞漢姓塔他拉氏世居查庫穆與布噶同旗天命三年從

太祖攻明撫順以第一人先登克其城

賜號巴圖魯天聰元年隨大貝勒阿敏征朝鮮兵臨義州選八旗巴圖魯攻之偕艾搏以夜潛登戰沒

卹贈騎都尉世職子沙喇奇襲

雅母布立姓瓜爾佳氏世居瓦爾喀之內河

國初父查爾糾率百人來歸

太祖授雅母布立爲世管佐領隸滿洲鑲藍旗天命六年從

攻明海陽戰沒城下

卽贈騎都尉世職子葉勒伸襲天聰八年坐事黜次子格爾
泰襲崇德五年隨睿親王多爾袞圍明錦州擊敗其
杏山兵明年復圍錦州乘夜進攻克其外城敵兵自
松山來援偕眾將擊卻之七年略地明甯遠有功明
年從征黑龍江之社里城多所俘獲尋隨鄭親王濟
爾哈朗征明取前屯衛奪門直入克其城順治二年
諭功積晉世職二等輕車都尉明年坐事復降爲騎
都尉七年九年三遇

恩詔仍晉二等輕車都尉從征四川戰漢中府涪州並捷十

六年隨安南將軍明安達禮鎮荊州鄭成功陷鎮江
逼江甯下援速敗之晉陞職一等兼一雲騎尉鳴達
渾雅母布立孫也初任西安駐防佐領康熙十四年
從征叛鎮王輔臣戰平涼府陳沒

卽贈雲騎尉世職